

LEMBARAN PENDEDAHAN PRODUK

Pelanggan yang dihormati,

Lembaran Pendedahan Produk (PDS) ini menyediakan beberapa maklumat penting mengenai insurans Pecah Masuk anda.

Pelanggan lain telah membaca PDS ini dan mendapati ia membantu; **anda juga harus membacanya.**

1 Apa itu Insurans Pecah Masuk?

Insurans Pecah Masuk melindungi kerugian atau kerosakan terhadap harta anda akibat kecurian atau rompakan.

2 Ketahui Perlindungan Anda

Sebagai ilustrasi, dengan RM700.00 setahun, anda menerima **perlindungan** seperti berikut:

Polisi ini melindungi :	Polisi ini tidak melindungi :
<ul style="list-style-type: none"> • Kerugian atau kerosakan harta diinsuranskan semasa di dalam premis perniagaan yang timbul akibat: <ul style="list-style-type: none"> ○ Kecurian akibat menerobos masuk atau pecah masuk ke dalam premis; ○ Kecurian oleh seseorang yang bersembunyi di dalam premis tersebut dengan niat jenayah; ○ Rompakan bersenjata atau rompakan dengan kekejaman; atau ○ Sebarang percubaan kecurian atau rompakan yang dinyatakan di atas. 	<ul style="list-style-type: none"> • Kerugian atau kerosakan yang disebabkan oleh yang berikutnya: <ul style="list-style-type: none"> ○ Jika kecurian atau rompakan dilakukan oleh keluarga, kakitangan atau pembantu rumah anda atau mana-mana orang yang berada di premis anda dengan sah; ○ Peperangan, pencerobohan, permusuhan, mogok, rusuhan dan kekacauan awam; ○ Jika premis tidak diduduki bagi tempoh melebihi 30 hari berturut-turut; ○ Perampasan atas perintah mana-mana kerajaan atau pihak berkuasa awam; ○ Keradioaktifan dan risiko lain berkaitan dengan tenaga nuklear. ○ Sebarang tindakan keganasan • Kerugian atau kerosakan di mana harta yang diinsuranskan berada dalam halaman, kebun, bangunan luar yang berasingan atau perlengkapan-perengkapan lain, kecuali jika dinyatakan di dalam jadual polisi.
Tempoh perlindungan ialah selama setahun. Anda dikehendaki membaharui polisi insurans anda setiap tahun.	
Senarai ini tidak menyeluruh. Sila rujuk kepada kontrak polisi anda untuk butiran lengkap mengenai apa yang dilindungi dan tidak dilindungi.	

Jika anda mempunyai sebarang soalan atau memerlukan bantuan mengenai insurans Pecah Masuk kami, anda boleh:



Hubungi kami di
1 300 22 5542



Lawati kami di
www.allianz.com.my/burglary-ins



Emel kami di
customer.service@allianz.com.my



Imbas kod QR
di atas

3 Ketahui Kewajipan Anda

Jumlah premium yang anda perlu bayar adalah berbeza bergantung kepada pendedahan risiko, keperluan pengunderaitan Allianz dan jumlah diinsuranskan bagi harta tersebut.

Untuk tujuan ilustrasi, andaikan kod pekerjaan adalah pasar raya dan jumlah yang diinsuranskan adalah RM100,000.00, anda mesti membayar premium:	
Jumlah premium yang perlu anda bayar ialah	RM700.00 (setahun)
Di mana ini termasuk:	
Komisen dibayar kepada pengantara insurans (jika ada)	25% daripada premium atau RM175.00
Anda juga perlu membayar yuran dan caj berikut:	
Duti Setem	RM10.00
Cukai Perkhidmatan	8% daripada premium RM56.00
Nota: Amaun Cukai Perkhidmatan ("CP") di sini mungkin tertakluk kepada perubahan kerana kadar CP yang digunakan hendaklah berdasarkan kadar semasa mengikut undang-undang Malaysia.	

4

Maklumat Penting Yang Anda Patut Tahu

- Kewajipan penzahiran pra-kontrak (menurut Jadual 9 di bawah Akta Perkhidmatan Kewangan 2013):
 - Sekiranya anda memohon insurans berkaitan dengan perdagangan, perniagaan atau profesion anda, anda mesti mendedahkan apa-apa perkara yang anda ketahui adalah berkaitan dengan keputusan kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan.
 - Sekiranya anda memohon insurans bagi tujuan yang tidak berkaitan dengan perdagangan, perniagaan atau profesion anda, anda mesti mengambil langkah yang munasabah untuk tidak salah nyata dalam menjawab soalan kami dan mendedahkan apa-apa perkara yang anda ketahui adalah berkaitan dengan keputusan kami dalam menerima risiko dan dalam menentukan kadar dan terma yang hendak dipakai.
 - Jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.
 - Jika sebarang maklumat yang telah diberikan adalah tidak tepat atau telah berubah selepas kontrak insuran dibuat, diubah atau diperbaharui oleh Allianz, anda mempunyai kewajipan untuk memaklumkan kepada Allianz dengan segera.
- Anda harus mengambil segala langkah pencegahan yang munasabah untuk menjaga keselamatan harta yang diinsuranskan..
- Anda boleh menginsuranskan harta anda berdasarkan Nilai Penuh atau Kerugian Pertama:-
 - Nilai Penuh –Dasar ini digunakan apabila wujudnya kemungkinan keseluruhan harta yang diinsuranskan akan dicuri pada mana-mana satu masa. Anda hendaklah memastikan jumlah diinsuranskan adalah mencukupi kerana insurans tersebut adalah tertakluk kepada Fasal Purata dan anda tidak akan ditanggung rugi sepenuhnya pada waktu kerugian jika harta tersebut adalah diinsuranskan di bawah nilainya. Jumlah diinsuranskan yang betul adalah apa yang anda anggap adalah nilai risiko tertinggi pada mana-mana satu masa.
 - Kerugian Pertama – Dasar ini digunakan jika adalah tidak mungkin keseluruhan harta diinsuranskan akan dicuri pada masa yang sama. Jumlah diinsuranskan yang dipilih hendaklah berdasarkan pertimbangan anda sendiri.
- Sekiranya jumlah yang diinsuranskan bagi harta anda adalah kurang daripada nilai sebenarnya pada waktu kerugian berlaku (insurans terkurang), anda akan dianggap menanggung sendiri perbezaan tersebut.
- Lebihan –merupakan amaun yang anda harus tanggung sebelum kami menanggung rugi anda.
- Anda mesti memberitahu ejen insurans anda atau kami secara bertulis jika terdapat apa-apa perubahan penting semasa tempoh insurans supaya perubahan yang sepatutnya boleh diendors ke atas polisi anda.
- Warranti Premium –Premium mesti dibayar dan diterima oleh Allianz dalam tempoh enam puluh (60) hari dari tarikh permulaan polisi. Jika tidak, polisi ini akan terbatal secara automatik dan Allianz berhak menerima premium pro-rata enam puluh (60) hari bagi tempoh Allianz menanggung risiko di bawah polisi ini.



Bolehkah saya membatalkan polisi saya?

Anda boleh membatalkan polisi ini dengan memberi notis bertulis kepada Allianz. Selepas pembatalan, anda layak mendapat pemulangan premium ditolak premium yang dikira berdasarkan kadar tempoh singkat kami bagi tempoh polisi telah berkuatkuasa.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Allianz General Insurance Company (Malaysia) Berhad atau PIDM (layari www.pidm.gov.my).

Informasi yang disediakan dalam lembaran pendedahan ini adalah sah pada 01/01/2026.